



ALVER KOMMUNE
Postboks 4
5906 FREKHAUG

Saksbehandlar, innvalstelefon

Martin Søgner, 5764 3079

Høyringsfråsegn - landbruksveg - Alver - 110/1 - Syslak

Vi viser til høyring på søknad om bygging av landbruksveg klasse 7 på gnr. 110 bnr. 6 i Alver kommune. Vegen er planlagd med 195 meter ny veg. I søknaden står det om tiltaket at vegen vil gje tilgang til om lag 3 dekar jordbruksareal. Interesser i vegen er opplyst å vere 10 prosent skogbruk og 90 prosent jordbruksinteresser. Totalt 100 prosent landbruksinteresser. Kommunen har sendt saka til uttale, jf. *forskrift om planlegging og godkjenning av landbruksveier* § 3-1, jf. § 1-1.

Føremålsparagrafen i landbruksvegforskrifta seier «*Formålet med denne forskriften er å sikre at planlegging og bygging av landbruksveier skjer på en måte som skal gi landbruksfaglige helhetsløsninger. Det skal samtidig legges vekt på hensynet til miljøverdier som naturmangfold, landskap, kulturminner og friluftsliv, hensynet til fare for flom, erosjon og løsmasseskred, samt andre interesser som blir berørt av veiframføringene*».

I slike høyringssaker går vi ikkje detaljert inn i dei vurderingane som må gjerast i saka, dette fordi det er kommunen som er den ansvarlege førsteinstansen og som skal foreta dei konkrete vurderingane i forhold til regelverket. De kan finne ein god del informasjon på [nettsida](#) vår som kan vere nyttig, der er det bl.a. lenker til regelverket og aktuelle rundskriv.

Inne på gardskart ser vi det er 1,5 dekar produktivskog på gnr. 110 bnr. 6 i tilknytning til den aktuelle vegen. Ein av grunngevingane for vegen er at den også skal nyttast i samband med gjødsling av beite. Vi viser til [gjødselforskrifta § 24](#) som omtalar kva som er godkjent spreieareal. I utgangspunktet er ikkje innmarksbeite godkjent areal til å spreie husdyrgjødsel på, men kommunen kan etter søknad godkjenne det som spreieareal, jf. andre ledd i § 24.

Vi har også gjort ein rask utsjekk av miljøinteresser, og så vidt vi kjenner til er det ikkje viktige naturkvalitetar eller miljøverdier som vert råka av dette veganlegget.

Med helsing

Christian Rekkedal

Martin Søgner
rådgjevar



landbruksdirektør

Dokumentet er elektronisk godkjent